

歐陽文忠公集

三十八

六
大
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

集古錄跋尾卷第二

歐陽文忠公集一百三十五

後漢堯母碑

歲月見
本文

右漢堯母碑漢建寧五年年造其文略曰
堯母慶都感赤龍而坐堯遂以侯伯恢踐
帝下有慶都遷沒蓋葬于茲欲人莫知名
曰靈臺上立黃屋堯所奉祠三代改易荒
廢不修漢受濡期興滅繼絕如堯為之遂
遭亡新禮祠絕矣故廷尉姓名磨滅深惟
大漢堯之苗胄當修堯祠追遠復舊前後

集古錄二

一

奏上帝納其謀歲以春秋奉大牢祠時濟
陰太守魏郡審晃成陽令博陵管遵各遣
大掾輔助闕一字若經之營之不日成之此其
大槩也按皇覽云堯家在濟陰城陽呂氏
春秋云堯葬穀林皇甫謐云穀林即城陽
然自史記地志及水經諸書無堯母葬處
惟見於此碑蓋亦葬城陽也而諸書俗本
多為城陽獨此碑為城陽當以碑為正碑
後列當時人名氏又云審晃字元諱管遵
字君臺又云漢受濡期莫曉其義也

右集本

後漢堯祠碑 歲月見本文

右漢堯祠碑在濟陰碑云帝堯者蓋昔世之聖王也又曰聖漢龍興纂堯之緒祠以上犧至于王莽絕漢之業而壇場夷替屏懾真蹟作懾無位大抵文字磨滅字雖可見而不復成文其後有云李樹連理生於堯祠太守河南張寵到官始初出錢二千敬致禮祠其餘不能一作讀也碑後有年月蓋熹平四年建也治平元年五月晦日書真蹟

後漢堯祠祈雨碑 歲月見本文

右漢堯祠祈雨碑首尾殘滅其僅可識者有云股肱賢良廣行多福虔虔夙夜又云常以甲子日詔太常陳上古之禮舞先王之樂又云延熹十年仲春二月陽氣侵陰又云享祀羣神仰瞻雲漢又曰嘉澍優霑物茂萬物又云孟府君知堯精靈與天通神修治大殿以此知為祈雨於堯祠也堯祠在漢濟陰郡孟府君者當是濟陰郡太守也其餘隸字少者頗多亦往往成句但斷續不可次序爾 右集本

後漢老子銘

歲月見本文

右漢老子銘按桓帝本紀云延熹八年正月遣中常侍左悺之若縣祠老子至十一月又遣中常侍管霸祠之而此碑云八月夢見老子而祠之世言碑銘蔡邕作今檢邕集無此文皆不可知也

右真蹟

後漢魯相置孔子廟卒史碑

歲月見本文

右漢魯相置孔子廟卒史碑云司徒臣雄司空臣戒稽首言魯前相瑛書言詔書崇聖道孔子作春秋制孝經演易繫辭經緯

今本碑一

三

天地故特立廟東成侯四時來祠事已即去廟有禮器無常人掌領請置百石卒史一人典主守廟謹問太常祠曹掾馮牟史郭玄辭對故事辟雍祠先聖太宰太祝各一人備爵太常丞監祠河南尹給牛羊豕大司農給米臣愚以為如瑛言可許臣雄臣戒愚戇誠惶誠恐頓首頓首死罪死罪臣稽首以聞制曰可按漢書元嘉元年吳雄為司徒二年趙戒為司空即此云臣雄臣戒是也魯相瑛者據碑言信乙字仲卿

漢碑在者多磨滅此幸字可讀錄之以見
漢制三公奏事如此與羣臣上尚書者小
異也又見漢祠孔子其禮如此治平元年
六月二十日書 右真蹟

後漢修孔子廟器碑

一作表

歲月見本文

右漢

朝

一有

諱

明府

修

孔子

廟

器

碑

云

永

壽

二年青龍

二字

作歲

一

在

涪

灘

霜

月

之

靈

皇

極

之日永壽桓帝年號也按爾雅云歲在申

曰涪灘桓帝永興三年正月戊申大赦改

元永壽明年

一有

歲

丙

申

曰

歲

在

涪

灘

是

集古錄二

四

矣云霜月之靈皇極之日莫曉其義疑是
九月五日前漢文章之盛庶幾三代之純
深自建武以後頓爾衰薄崔蔡之徒擅名
當世然其筆力辭氣非出自然與夫揚馬
之言醇醜異味矣及其未也不勝其弊霜
月皇極是何等語韓明府者名勅字叔節
前世見於史傳未有名勅者豈自余學之
不博乎春秋左氏傳載古人命名之說不
以為名者頗多故以勅為名者少也治平
元年二月晦日書 右真蹟

後漢魯相晨孔子廟碑

歲月見本文

右漢魯相上尚書章其略云建寧二年三月癸卯朔七日己酉魯相臣晨長史臣謙頓首死罪上尚書臣晨頓首頓首死罪死罪臣以元年到官行秋饗飲酒泮宮復禮孔子宅而無公出酒脯之祠臣輒依社稷出王家穀春秋行禮建寧靈帝年號也於此見漢制天子之尊其辭稱頓首死罪而不敢斥至尊因尚書以致達而已余家集錄漢碑頗多亦有奏章患其磨滅獨斯碑

首尾字備可見當時之制也又云孔子乾坤所挺西狩獲麟為漢制作故孝經援神契曰立丘制命帝卯行又尚書考靈耀曰丘生倉際觸期稽度為赤制識緯不經不待論而可知甚矣漢儒之狹陋也孔子作春秋豈區區為漢而已哉治平元年三月廿五日書 右真蹟

後漢碑陰題名

歲月未詳

右漢碑陰題名不知為何人碑余家集錄古文既多或失其所得之自然漢碑存於

今者惟華嶽與孔子廟最多其陰往往列
修廟人姓名并記其所出錢數不過三百
至五百今斯碑所題文字缺滅而中間有
錢各五百四字則似是修廟人所記其人
可見者有濟陰定陶蔡顥子盛山陽金鄉
張諺季德河南宛陵趙堂世長南陽南鄉
鄧升升遠濟陰成武周鳳季節而其餘人
姓名邑里多不字又時時有故吏字不知
為何人祠廟第以漢隸難得錄之爾治平
元年閏五月八日書 右真蹟

同前

右漢碑陰題名不知為何碑之陰蓋余家
集錄既多而或失其所得之處又其文字
磨滅莫可考究惟有錢各五百四字似是
漢時修廟人爾漢碑今在者惟華嶽與孔
子廟中最多其碑陰題名者往往各書所
出錢數不過三百五百也而此碑所列邑
里姓名字字可見者尚十餘人然皆是濟
陰山陽彭城汝南陳留人則疑為修孔子
廟人也今列于後覽者可以察焉濟陰定

陶蔡顥子盛濟陰張翔季審陳留酸棗李直顥節山陽金鄉張諺季德河南宛陵趙堂去萇南陽南鄉鄧升升遠濟陰成武周鳳季節山陽昌邑田胤元尊濟陰成武史楞去明彭城朱翔元舉

右真蹟

同前

右漢碑陰題名二皆不知為何碑陰其人各記所出錢數似是漢時修廟人題名余家集錄華嶽及孔子廟碑多如此此亦疑是二廟中碑前碑殘滅尤甚第時有門生

集古錄二

七

濟南東郡等字而姓名無復字者後碑則有議曹功曹騎吏有蓮勺左鄉有秩池陽左鄉有秩池陽集丞有秩皆不知是何名號又有闕一字陽候長投裊候長則是縣吏之名其隸字不甚精又無事實可考姑錄其名號以俟知者爾

右集本

後漢張公廟碑

歲月見本文

真蹟

右漢張公廟碑在黎陽而碑無題首又其文字殘滅不可考究莫知為何碑第時時得其字之可識而僅成文者曰惟和平元

年正月丙寅和平桓帝年號以此知為漢碑也又曰豐碑廟堂之前又曰於穆張公則又知為張公廟碑矣又云國無災祲屢獲豐年作歌九章頌公德芳其辭有云公與守相駕蜚魚往來倏忽遠熹娛祐此兆民寧厥居其餘字畫尚完者甚多但不成文爾治平元年閏五月九日書是日奏事垂拱退召赴延和閣謝契丹禮物送歸休

後漢公昉碑

一作仙人唐君碑
歲月未詳

右漢公昉碑者廼漢中太守南陽郭芝為

集古錄二

八

公昉修廟記也漢碑今在者類名磨滅而此記文字塵存可讀所謂公昉者初不載其姓名但云君字公昉爾又云耆老相傳以為王莽居攝二年君為郡吏啖瓜旁有真人居一有字左右莫察君獨進美瓜又從而敬禮之真人者遂與期谷口山上乃與君神藥曰服藥以後當移意萬里知鳥獸言語是時府君去家七百餘里休謁往來轉景即至闔郡驚焉白之府君徙為御史一作吏鼠齧被具君乃畫地為獄召鼠誅之視

其腹中果有被具府君欲從學道項無所
進府君怒勅尉部吏收公昉妻子公昉呼
其師告以厄其師以藥飲公昉妻子曰可
去矣妻子戀家不忍去於是乃以藥塗屋
柱飲牛馬六畜湏臾有大風雲來迎公昉
妻子屋宅六畜脩然與之俱去其說如何
可以為怪妄矣嗚呼自聖人歿而異端起
戰國秦漢以來之際作奇辭怪說紛然爭出
不可勝數久而佛之徒來自西夷老之徒
起於中國而二患交攻為吾儒者往往牽

而從之其卓然不惑者僅能自守而已欲
排其說而黜之常患乎力不足也如公昉
之事以語愚人豎子皆知其妄矣不待有
力而破後能破其惑也然彼漢人乃刻之
金石以傳後世其意惟恐後世之不信然
後世之人未必不從而惑也治平元年四
月二十三日以早開宮寺祈雨五日中一
日休務假書 右真蹟

後漢析里橋郟閣頌

歲月見本文

右漢析里橋郟閣頌建寧五年立云惟斯

析里處漢之右溪源漂疾橫注于道涉秋
霖澆稽滯商旅休謁往還常失日晷行理
咨嗟郡縣所苦斯溪既然邠閣尤甚臨深
長淵三百餘丈接木相連彌為萬柱遭遇
隕納人物俱隋一作沈沒洪淵酷烈為禍
於是太守阿陽李君諱會字伯都以建寧
三年二月辛巳到官思惟惠利有以綏濟
聞此為難其日久矣乃俾府掾仇審改解
危殆即便求隱析里大橋於爾乃造又驛
散關之嶠漂徙朝陽之平塹減西高閣就

安寧之石道禹導江河以靖四海經紀厥
績艾康萬里乃作頌曰頌後又有詩皆磨
滅不字其云遭遇隕納又云驛散關之嶠
漂徙朝陽之平塹刻畫適字非其訛繆而
莫詳其義疑當時人語與今異又疑漢人
用字簡略假借不同爾故錄之以俟博識
君子治平元年六月十日書 右真蹟

後漢人闕銘

歲月未詳

真蹟

右漢人闕銘二其一曰永樂少府賈君闕
其一曰雒陽令王君闕二者皆不知為何

人按漢書桓帝母孝崇厚皇后居永樂宮
和平元年詔置太僕少府如長樂故事又
按顏師古注地里志曰魚豢真蹟誤云漢
火行忌水故去洛水加佳師古謂光武以
後始改為雒然則二人者皆後漢時人也
又按漢官儀長樂少府以宦者為之則賈
君者蓋亦宦者也治平元年九月十五日
書

後漢文翁石柱記

歲月見本文

右漢文翁石柱記云漢初平五年倉龍甲

集古錄二

十一

戌昊天季月脩舊築周公禮殿始自文翁
開建泮宮據顏有意益州學館廟堂記云
按此一字無華陽國志文翁為蜀郡守造講堂
作此一字無石室一名玉堂安帝永初間烈火
為災堂及寺舍並皆焚燎惟石室獨存至
獻帝興平元年太守高朕於玉堂東復造
一石室為周公禮殿有意又謂獻帝無初
平五年當是興平四字一作當如元年蓋
時天下喪亂西蜀僻遠年號不通故仍稱
舊號也今檢范曄漢書本記初平五年正

月改為興平顏說是也治平元年六月十三日書 右真蹟

後漢文翁學生題名

右漢文翁學生題名凡一百有八人文學祭酒典學從事各一人司儀主事各二人左生七十三人右生三十人文翁在蜀教學之盛為漢稱首其弟子著籍者何止於此蓋其磨滅之餘所存者此再治平元年六月二十日書 右真蹟

後漢泰山都尉孔君碑

歲月見本文

集古錄二

十一

右漢泰山都尉孔君碑云君諱宙字季將二字一作秀特孔子十九世之孫也年六十一延熹四年正月乙未以疾卒一家二有字其序官闕甚簡又或殘滅不字但見其舉孝廉為郎遷元城令遂為泰山都尉爾其辭有云躬忠恕以及人兼禹湯之罪已宙人臣而引禹湯以為比在今人於文為不類蓋漢世近古簡質猶如此也治平元年閏五月二十一日書 右真蹟

後漢孔宙碑陰題名

右漢孔宙碑陰題名漢世公卿多自教授聚徒常數百人其親授業者為弟子轉相傳授者為門生今宙碑殘缺其姓名邑里僅可見者纔六十二人其稱弟子者十人門生者四十三人故吏者八人故民者一人宙孔子十九世孫為泰山都尉自有錄治平元年閏五月二十一日書

右真蹟

後漢孔君碑

歲月見本文

真蹟

右漢孔君碑其名字磨滅不可見而世次官闕粗可考云孔子十九代孫潁川君之元子也舉孝廉除郎中博昌長遭太守君憂服竟拜尚書侍郎治書御史博陵太守遷下邳相河東太守建寧四年十月卒其餘文字厯厯可讀以其斷絕處多文理難續故不復盡錄然其終始略可見矣惟其名字皆已為可惜也治平元年五月十日書

後漢孔德讓碑

一作碣

歲月見本文

右漢孔德讓碑蓋其名已磨滅但云字德讓者宣尼公二十世孫都尉君之子也仕

歷郡諸曹史年二十永興二年七月遭疾
不祿碑在今兗州孔子墓林中永興孝桓

帝年彌也一有都尉者其人二作德早卒

無事蹟可考余集錄所藏一有獨孔林中

漢此一字無碑最後得此遂無遺者蓋以其文

字簡少無事實故世人遺而不取獨余家

有之也治平元年閏五月二十日書右真蹟

後漢劉寬碑中平二年

右漢太尉車騎將軍特進遂鄉二作封一昭

烈侯劉公碑公諱寬有兩碑皆在洛陽余

集古錄二

十四

家集錄皆得之其一故吏李謙所一作立

而此碑門生殷包等所此一字無立其所書與

李謙等碑一作所載不異惟漢隸難得當錄

二字一錄之作漢公卿卒字一有故吏門生各自立

碑以伸感慕惟見於此今人家碑碣非其

子孫則他人不為立也治平元年六月十

四日書右真蹟

後漢太尉劉寬碑同前

右漢太尉劉寬碑漢書有傳其官闕始卒
與碑多同而傳載遷官次序額略蓋史之

所記善惡大事官次雖小略不足為失惟其繆誤與闕其大節不可不正碑云大將軍以禮脅命拜侍御史遷梁令三府並用博士徵皆不就司隸校尉舉其有道公車徵拜議郎司徒長史而傳但云大將軍辟五遷司徒長史今據碑止四遷爾博士未嘗拜也碑於長史下遂云入登侍中延熹八年地震有詔詢異而拜尚書遷南陽太守拜太中大夫復拜侍中屯騎尉宗正光祿勳遂授太尉傳至太中大夫始云遷侍

中其前自長史入登侍中史闕書也碑又云固疾遜位拜光祿大夫遷位衛尉復作太尉而傳云以日食免拜衛尉以日食免當從傳為正而不書光祿大夫史闕也其餘皆同故不復錄 右集本

後漢太尉劉寬碑陰題名

歲月見本文

右漢太尉劉寬碑陰題名寬碑有二其故吏門生各立其一也此題名在故吏所立之碑陰其別列于後者在寬子松之碑陰也寬以漢中平二年卒至唐咸亨元年其

裔孫湖一作胡城公奕以碑歲久皆仆于野

為再立之并記其世序嗚呼前世士大夫

世家著之譜牒故自中平至咸亨四百餘

年而奕能知其世次如此之詳也蓋自黃

帝以來子孫分國受姓厯堯舜三代數千

歲間詩書所記皆一各字有有次序豈非譜繫

源流傳之百世而此一字無不絕歟此古人所

以為重也不然則士生於世皆莫自知其

所出而昧其世德遠近其所以異於禽獸

者僅能識其父祖爾其可忽哉唐世譜牒

尤備士大夫務以世家相高至其弊也或

陷輕薄婚姻附託邀求貨賂君子患之然

而士子修飭喜自樹立兢兢惟恐墜其世

業亦以有譜牒而能知其世也今之譜學

已矣雖名臣巨族未嘗有家譜者然而俗

習苟簡廢失者非一豈止家譜而已哉嘉

祐八年七月二十九日書 右真蹟

後漢楊震碑 歲月未詳

右漢楊震碑首題云漢故太尉楊公神道

碑銘文字殘缺首尾不完其可見而僅成

文者云聖漢龍興神祇降祉乃生於公又云窮神知變與聖同符鴻漸衡一作門群英雲集又云貽我三魚以章懿德又云大將軍辟舉茂材除襄城令遷荊州刺史東萊涿郡太守又云司徒太尉立朝正色恪勤竭忠其餘字存者多而不復成文矣治平元年六月十日書 右真蹟

後漢楊震碑陰題名

右漢楊震碑陰題名者一百九十人其餘磨滅不字者又十餘人余家所錄漢碑陰

題名頗多或稱故吏門生弟子或稱從事曹掾之類其人皆著州縣邑里名字甚詳獨此碑所書簡略直云河間賈伯錡博陵劉顯祖之類凡百九十人者皆然疑其所書皆是字爾蓋後漢時人見於史傳者未嘗有名兩字者也漢隸世所難得幸而在者多殘滅不字獨此碑刻畫字具而隸法尤精妙甚可喜也治平年中伏日書 真蹟

後漢沛相楊君碑

歲月見本文

真蹟

右漢沛相楊君碑在閬鄉楊震墓側碑首

尾不字失其名字按後漢書震及中子秉
秉子賜賜子彪皆有傳又云震長子牧富
波相牧孫竒侍中竒子亮陽成亭侯又云
少子奉奉子敷敷子衆務亭侯又有彪子
脩楊氏子孫載于史傳者止此爾不知沛
相為何人也碑云孝順皇帝西巡以掾史
召見拜郎中遷常山長史換捷為府丞宰
司累辟應于司徒州察茂材遷鮦陽侯相
後拜議郎五官中郎將沛相年五十六建
寧元年六月癸丑遘疾而卒其終始尚可
見而惜其名字亡矣治平元年六月十日
書

後漢繁陽令楊君碑 熹平中

右漢繁陽令楊君碑首尾不字文字磨滅
可識者四百三十字不可識者六十一字
碑云君遭叔父太尉薨委榮輕舉吏民攀
轅守闕上書運穀萬斛助官賑貧以乞君
還又云一作富波君之子按漢書楊震子
牧為富波相君廼牧子也叔父太尉者秉
也出米乞令前史所無惜其名字磨滅不

可見矣嘉祐八年十月廿三日書右真蹟

後漢高陽令楊君碑歲月未詳

右漢高陽令楊著碑首尾不字而文字尚
可識云司隸從事定穎侯相最後為善侯
相善上一字磨滅不可見蓋其中間嘗為
高陽令而碑首不書最後官者不詳其義
也按楊震碑高陽令著震孫也今碑在震
墓側一有也字右真蹟

後漢楊君碑陰題名真蹟

四十餘人楊震子孫墓閭鄉者數世碑多
殘缺此不知為何人碑陰其後有云右後
公門生又云右沛二字集本作後史君門生沛君
疑是沛相者自有碑而已其名字矣後公
亦不知為何人也治平元年六月十日書

同前真蹟

右漢楊君碑陰題名凡一百三十一人有
稱故吏者故民者處士者故功曹史者故
門下佐者類例不一似當時人各隨意書
之而文字磨滅僅可讀其姓名字俱字可

識者八十三人其餘或在或亡蓋後漢楊震墓域中碑也楊氏墓在閔鄉有碑數斤皆世所立余家集錄得其四震及沛相繁陽高陽令碑并得碑陰題名然一有得時嚮字參錯不知為何碑之陰也其名氏可見者當時皆無所稱述顧其人亦不足究考第以漢隸真蹟金石所傳者至今類多磨滅可惜故錄之爾治平元年三月晦日書

後漢碑陰題名

右漢碑陰題名在閔鄉楊震墓側文字磨滅不復可考其僅可見曰侯長汾陰趙遺子宣侯上滅一字又曰故督郵曹史縣功曹鄉部吏柏昱等人名鄉上又滅一字又曰西鄉亭長柏昱子政又曰鄉亭長翟國相如鄉上又滅一字又曰麟都亭長陰定安定谷口亭長方文雅方上又滅一字東門亭長梁忠子孝四望亭長吳鴻子名麟武亭長常嵩君宣其餘缺裂不字蓋楊氏子孫當時皆葬閔鄉碑碣往往磨滅此不知為誰碑也治平五年五月廿日謝雨致

齋于太社書

右真蹟

後漢楊公碑陰題

右漢楊公碑陰題名楊氏世葬閩鄉墓側
 皆有碑今其存者四余家集錄皆得之乃
 太尉沛相高陽繁陽令也此碑陰者不知
 為何人碑文字殘缺其僅存者十五人又
 滅其一其在者十四人曰懷陵園令相蔣
 禧字武仲宜祿長蕭劉瑞字仲祐孝廉行
 秋劉旭字子明太官日丞譙曹臻字建國
 辭曹史鄆公孫銀字山根門下書佐史韓
 純字子敬豐畢珮字廣世鄆孟縱字河雒
 決曹書佐鄆公孫賜字元暘皆稱故吏又
 有故吏二字無贇陳俊字仲顯蘄夏陽字儀
 公蘄兒銀字伯玉杼秋劉順字子選沛周
 儀字帛民凡五人皆不著職一有但稱而
 孟縱字河雒周儀字帛民文字皆完非訛
 繆而莫曉其義也治平元年六月十四日
 書

後漢殘碑陰

歲月未詳

右漢殘碑陰前後

二字一作亦

磨滅不知為何

人碑其知為漢碑者蓋其隸字非漢人莫能為也其字僅可見者尚數十而姓名字者九人曰王伯鄉趙仲方賈元周王景陽賈元輔宗石處王仲宣馬安國王通國皆無官號邑里莫知為何人惟漢隸在者少為難得故錄之治平元年五月十八日書

後漢朔方太守碑陰

歲月見本文

右漢朔方太守碑陰題名

此一字無

云永壽二

年朔方太守上郡仇君察察下滅一字除郎中大曲長大下又滅一字延熹四年九

集古錄一

廿二

月乙酉詔書遷衙令五年正月到官奉見明府見下又滅一字立祠后表章大聖之遺靈永示來世之未

一作未

下又滅一

字謹出錢千千下又滅兩字者下行因紀

姓名

七一字無

據此乃當時脩廟出錢人爾今

其姓名往往可見云衙鄉三老時勤伯秋上官鳳季方錄事史楊禹蓋布衙主記掾楊綬子長門下功曹裴篤伯安倉曹掾任就子優又有集曹掾軍

君一作

假司馬之類

名字多不完其所出錢不過三百至五百

蓋漢世物輕幣重今華嶽孔子廟碑陰所列亦皆如此其所立祠蓋不知為何廟也
治平元年夏至日書 右真蹟

後漢劉曜碑

一有并陰二字

歲月未詳真蹟

右漢劉曜碑在今鄆州界中文字磨滅僅有存者云諱曜字季尼年七十三其餘爵里官闕卒葬歲月皆不可見字為漢隸亦不甚工惟其銘云天臨大漢錫以明慙碑首題云漢故光祿勳東平無鹽劉府君之碑以此知為漢碑也治平元年四月一日

書

後漢北海相景君銘

歲月見本文

右漢北海相景君銘其碑首題云漢故益州太守北海相景君銘其餘文字雖往往可讀而漫滅多不成文故君之名氏邑里官闕皆不可考 一作見其可見者云惟漢安二年北海相任城府君率城下一字不可識當為景也漢功臣景丹封櫟陽侯傳子尚尚傳子苞苞傳子臨以無嗣絕安帝永初中鄧太后紹封苞弟遽為監亭侯以績

丹後自是而後史不復書而他景氏亦無
顯者漢安順帝年號也君卒於順帝時蓋
與遽同時人也碑銘有云不永糜壽余家
集錄三代古器銘有云眉壽者皆為糜蓋
古字簡少通用至漢猶然也治平元年四
月二十九日書 右真蹟

後漢謁者景君碑

右漢景君碑尤磨滅惟謁者任城景君數
字尚存其餘班班可見者皆不能成文故
其年世壽考功行率葬莫可考也蓋漢隸

今尤難得其磨滅之餘可惜爾 右集本

後漢景君石郭銘

右景君石郭銘者余既得前景君碑又得
此銘皆在任城不知一景君乎將任城景
氏之族多耶文字磨滅不可考故附于此
熙寧三年正月朔旦山齋記 右真蹟

後漢袁良碑 歲月見本文

右漢袁良碑云君諱良字卿卿上一字磨
滅陳國扶樂人也厥先舜苗世為封君周
興虞闕父自此而滅又云蒲為陳侯至五

孫濤塗以字立姓曰袁自此又滅又云當
秦之亂隱居河洛高祖破項實從其冊天
下既定還宅扶樂蓋不知為何人也又云
孝武征和三年曾孫斬賊先勇拜黃門郎
曾孫滅其名賊下亦一作滅一字又曰封
閔內侯食遺鄉六百戶薨子經嗣經薨子
山嗣傳國三世至王莽而絕君即山之曾
孫也舉孝廉郎中謁者將作大匠丞相令
廣陵太守討江賊張路等威震徐方謝病
歸家孝順初初下數字滅一作滅又云府

舉君拜議節符節令其後又云永建六年
二月卒其碑首題云漢故國三老素君碑
而碑文有使者持節安車又有几杖之尊
袒割之養君寔饗之之語以此知良嘗為
三老矣其餘磨滅雖時時可讀而不能次
第也又云帝御九龍殿引對飲宴九龍殿
名惟見於此治平元年五月二十九日夏
至假書右真蹟

後漢張平子墓銘

永和四年

右漢張平子墓銘世傳崔子玉撰并書按

范曄漢書張衡傳贊云崔子玉謂衡數術窮天地制作侔造化此銘有之四字一作今銘有此語

則真子玉作也其刻石為二本一在南陽

一在向城天聖中有石班殿直趙球者知

南陽縣事因治縣署毀馬臺得一石有文

驗之廼斯銘也遂龕于聽事之壁其至凡

百君子而止其後半一字有亡矣其在向城者

今尚書屯田員外譙景初得其半於向城

之野自凡百子已上則亡矣三字一作其前半亡矣

今以二本相補續其文遂復字而闕其最

集古錄二

共六

後四字然則昔人為二本者不為無意矣

據徐方回所記二十一字廼趙球所得南

陽石之亡者徐方回一字一作唐寶應中有

是銘最後文疑球所得今不復見則又亡

矣惜哉嘉祐八年歲在癸卯十月十八日

書石真蹟

集古錄跋尾卷第二

堯母碑元第四百一堯母祠一字有恢踐帝宮一字有

奉祠祀一作讀矣此一字無諸書此下字一嘉祐元

年三月二十九日書十一有此

堯祠碑元第七百屏懾真碑及公跋皆作

左氏傳疑

祈雨碑元第九百又曰一作斷續絕一作治

平元年六月六日書九有此

老子銘元第一百

置孔子廟率史碑元第三百辟雍碑一作

修孔子廟器碑元第三百莫曉莫字上一

孔子廟碑元第四百

集古錄二

廿七

碑陰題名元第八斯碑碑一字無世養長一作

同前元第八百又有此下闕治平元年閏

五月九日書十一有此

張公廟碑元第八百災祲寇一作

公昉碑元第五百府軍君一字無君徙徙碑作

郝閣頌元第九百府掾官碑作徙朝徙碑作

經紀碑作

後漢人闕銘元第七百人也一字無

石柱記元第一百

文翁學生題名元第六

都尉孔君碑元第一三百宙人臣一作宙此

也一無也字

孔宙碑陰題名元第一八百

孔君碑元第七

孔德讓碑元第八百漢碑最一作碑

劉寬碑元第二殷包作古碑

太尉劉寬碑元第二漢書二字上一善

愚大事作事第一與闕其大節一字無舉其有道

四字一作舉茂而拜一作拜屯騎此下一治

平元年六月十四日書一字有此

集古錄一

廿

劉寬碑陰題名元第五

楊震碑元第九降祉一作

楊震碑陰題名元第八

沛相楊君碑元第一長子長一無字

右漢楊君碑其文字皆已磨滅惟其銘

云明明楊君其姓尚可見爾其官闕始

卒則粗可考云孝順皇帝西巡以掾史

召見帝嘉其忠臣之苗器其璆璠之質

詔拜郎中遷常山長史換捷為府丞非

其好也廼翻然輕舉宰司累辟應于司

徒州察茂材遷鮦陽侯相金城太守南
蠻蠢迪王師出征拜車騎將軍從事軍
還策勳復以疾辭後拜議郎五官中郎
將沛相年五十六建寧元年五月癸丑
遘疾而卒其始終頗可詳見而獨其名
字泯滅為可惜也是故余嘗以謂君子
之垂乎不朽者顧其道如何爾不託於
事物而傳也顏子窮臥陋巷亦何施於
事物耶而名光後世物莫堅於金石蓋
有時而弊也治平元年閏五月二十八

集古錄二

廿九

日書

此與前本不
同故兩存之

繁陽令楊君碑

元第一
百一

高陽令楊君碑

元第一
百一

楊君碑陰題名

元第一
百一

亦不知為

知其為不

同前

元第一
百一

楊君

氏一作

史者

者一字

同前

元第一
百一

五年

元一作

同前

元第一
百一

後漢殘碑陰

元第一
百一

惟漢隸在者少為

難得故錄之

元第一
百一

無此

朔方太守碑陰

元第一
百一

元第一
百一

劉曜碑

元第一 百一第 五

慙 一 無

景君銘

元第二 十第 六 百

景君碑

元第七 十第 九 百

熙寧二年十月朔

一作晦

日山齋書

十一有 一 字 此

景君后郭銘

元第七 十附 九 百

素良碑

元第七 十第 一 百

時時

一作有時

張平子墓銘

元第十 一第 三

謂衡

一作衡

集古錄跋尾卷第三

歐陽文忠公集一百三十六

後漢費鳳碑 歲月見本文

右漢費鳳碑云 集本有君字 字伯蕭梁相之

元子也 集本無也字 漢安二年舉孝廉拜郎中

除陳國新平長又云試守故障長其文班

班可見而卒葬年壽皆不載其後悉為五

言韻語其略曰不悟 集本作語 奄忽終藏形而

匿景 集本作影 耕夫釋耒耜桑女投鉤筥道阻

而且長起坐淚如雨其文既非工故不悉

集古錄五

錄 八字集本惟漢隸難得故錄爾 熙寧二年

十一月十六日山齋書 右真蹟 略曰 一作

後漢武班碑 歲月見本文

右漢班碑者蓋其字畫殘滅不復成文其

氏族州里官闕卒葬皆不可見其僅見者

曰君諱班爾其首書云建元年太歲在丁

亥而建下一字不可識以漢書考之後漢

自光武至獻帝以建名元者七謂建武建

初建光建康建和建寧建安也以歷推之

歲在丁亥乃章帝章和元年後六十一年

桓帝即位之明年改本初二年為建和元年又太歲在丁亥則此碑所缺一字當為和字

真蹟無此六字

廼和建元年也碑文缺滅者

十八九惟亡者多而存者少尤為可惜也

故錄之治平元年四月二十日書

右集本

後得別本模榻粗明始辨其一二云武君

諱班乃易去前本熙寧二年九月朔日記

後漢中常侍費亭侯曹騰碑

歲月見本文真蹟

右漢中常侍費亭侯曹騰碑文字磨滅其粗可見者云維建和元年七月二十二日

傳古錄三

三

己巳皇帝若曰其遣費亭侯之國其餘不

可識也建和桓帝即位之元年也後三十

七年獻帝中平元年騰養子操始為騎都

尉

集本有領兵二字

擊黃巾矣治平元年六月十

日書

後漢司隸楊君碑

歲月見本文

右漢司隸校尉楊厥碑云惟從靈定位川

澤攸同澤有所注州有所通余谷之川其

澤南隆八方所達益城為克高祖受命興

於漢中道由子午出散入秦建定帝位以

漢詆焉後以子午塗路澀難更隨園谷復
通堂光凡此四道垓鬲允艱至於永平其
有四年詔書開余鑿通石門中遭元二西
夷虐殘橋梁斷絕子谷復循於是故司隸
校尉捷為武陽楊厥字孟文深執忠佞數
上奏請廢子由斯得其度經至建和二
年漢中太守王升字稚紀嘉君明知美其仁
賢勒石頌德以明厥勲其辭大略如此其
刻畫尚多可讀大抵述厥修復斜谷路爾
但其用字簡省復多舛繆惟以川為坤以

余為斜漢人皆爾獨詆字未詳永平明帝
建和桓帝年號也

右集本

後漢樊常侍碑

歲月見本文

右漢樊常侍碑云君諱安字子佑南陽湖
陽人也君幼學治韓詩論語孝經歷中黃
門拜小黃門右史遷歲府令中常侍年五
十有六永壽四年石本二月甲辰卒其先
為中黃門後為小黃門右史蓋漢官之制
今不詳其次序也余少家漢東天聖四年
舉進士赴尚書禮部道出湖陽一本見此

碑立道左下馬讀之徘徊碑下者久之後三十年始得而入集錄蓋初不見錄于世自予集錄古文時人稍稍知為可貴自此古碑漸見收采也

右集本

後漢郎中鄭固碑

固一本作宣

歲月見本文

右漢郎中鄭固碑文字磨滅其官闕卒塋年月皆莫可考其僅可見者云君諱固字伯堅孝友著于閨門至行立乎鄉黨初授業於歐陽仕郡諸曹掾史主簿督郵五官掾功曹又曰忠以衛上清以自修其餘殘

集古錄三

四

缺不復成文又云延熹元年二月詔拜而不見其官惟其碑首題云漢故郎中鄭君之碑以此知其官至郎中爾漢隸刻石存於今者少余惟以集錄之勤所得為獨多然類多殘缺一作滅不字蓋其難得而可喜者其零落之餘尤為可惜也

延熹元年二月

云詔拜郎中非其好也自疾翹辭年四十一
二遭命殞身而中間又自疾翹辭年四十一
適當作循銅辭謂疾以疑漢人用字多假借
又疑以疾銅辭謂疾以疑漢人用字多假借
辭覽者以疾為詳之

後漢田君碑

歲月見本文

真蹟

右漢田君碑今在沂州其名字皆已磨滅
惟云其先出自帝舜之苗裔自字適齊因
以為氏乃知為姓田爾又云周秦之際家
於東平陽君總角修韓詩京氏易真蹟作
京氏究洞神變窮奧極微為五官掾功曹州從
事辟太尉延熹二年辛亥詔書泰山瑯耶
盜賊未息州郡吏有仁惠清撥煩整化者
試守蒲歲為真州言名時牧劉君知君宿
操表上試守費自此以後殘缺不可次第
而隱隱可見蓋無年壽卒葬月日而有故

吏薛咸等立石勒銘之語乃費縣令長德
政去思碑爾治平元年六月二十九日書

後漢孫叔敖碑 延熹三年

右漢孫叔敖碑云名饒字叔敖而史記不
著其名而見於他書者亦皆曰叔敖

而已微斯碑後世遂不復知其名饒也此
集本無
此字碑世亦集本
所罕傳余以集錄二十

年間求之博且勤乃得之然則世之未見
此碑者猶不知為名饒也謂余集古為無

益可乎 集本無
此九字

後漢王元賞碑

歲月見本文

右漢王元賞碑云君諱某字元賞御史君之孫茂材君之子也歷秦及漢有國有家宰相牧守鍾武相襲又曰遭父喪以孝立稱土堦環堵兼業並受門徒雨集盛於洙泗又云郡察孝廉郎中謁者宛陵丞封丘令母憂去官服祥辟司空府延熹四年五月辛酉遭命而終其文字磨滅隱隱可見者如此其名既亡又不序其姓惟其名云惟於王君以此知其姓王爾

右集本

集古錄三

六

後漢祝睦碑

歲月見本文

真蹟

右漢祝睦碑云君諱睦字元其下遂缺滅不能成文惟其官壽年月可見云賓于王庭除北海長史潁州郟令辟司空府北軍中侯拜大尚書尚書僕射遷常山相山陽太守年六十有八延熹七年八月丁巳卒睦有二碑皆在今南京虞城縣此碑不見世次而隱隱云其先高辛爾其後碑則頗少故錄于次也治平元年六月立秋日書

後漢祝睦後碑

延熹七年

右漢祝睦後碑其前碑不知所立人名氏
兩碑所載官闕壽考年月悉同而此碑有
立碑人名氏及睦世次云故吏王堂等竊
聞下有述上之功臣有叙君之德又曰君
兆自黎辛祝融苗胄鄭有祝駟君其胤也
其餘文字亦字可讀二銘皆以三言為文
而後銘尤字云穆我君邦之陽資五就闡
道網經下滅一字表微準樞衡稽列宿覽
四方德合乾道應皇領二郡曜重光化流
洽緄幽昌性天約元用長頌聲作謠令香

功烈著遺糝芳存覲榮淪弗忘其後二句
磨滅難詳故錄其成文以見其雅質亦可
佳也治平元年六月立秋日書

右真蹟

後漢衡方碑

歲月見本文

真蹟

右漢衡方碑云府君諱方字興祖其先伊
尹在殷號稱阿衡因而氏焉又曰州舉孝
廉除郎中即丘侯相膠東令州舉尤異遷
會稽東部都尉又拜議郎北平太守遷潁
川太守又曰拜步兵校尉年六十有三建
寧元年二月五日癸丑卒於是海內門生

故吏采嘉石樹靈碑鐫茂伐祕將來此其
始終之大略其餘厯厯可見而時亦磨滅
以其文多不備錄也治平元年六月三日
書

後漢冀州從事張表碑

歲月見本文
真蹟

右漢冀州從事張表碑云君諱表字元異
其碑首題云漢故冀州從事張君碑而文
為韻語叙其官闕不甚詳但云春秋六十
四以建寧元年三月癸巳薨疾而終其辭
有云任郡為督郵鷹撮盧擊是以狗喻人

集古錄三

集本有也字

又有畔桓利正之語蓋漢人猶質

不嫌取類於鷹犬畔桓疑是盤桓

集本有二

字文字簡少假借爾治平元年六月廿九

日書

後漢祝竹邑侯相張壽碑

歲月見本文

右漢竹邑侯相張壽碑云君諱壽字仲吾
其先晉大夫張老盛德之裔孝友恭懿明
允篤信博物多識獵一作涉傳記臨疑獨
照確然不撓有孔甫之風舉孝廉除郎中
給事謁者遷竹邑侯相年八十建寧元年

五月辛酉卒其大略可見者如此其餘殘缺或在或亡亦班班可讀爾

右集本

後漢金鄉守長侯君碑

歲月見本文真蹟

右漢金鄉守長侯君碑云君諱成字伯盛山陽防東人也其先出自豳岐周文之後封于鄭鄭共仲賜氏曰侯厥胤宣多以功佐國漢之興也侯公納策濟太上皇於鴻溝之阨謚曰安國君曾孫酺封明統侯光武中興立孫霸為臨淮太守轉拜執法右刺姦五威司命大司徒公封於陵侯枝葉

繁茂或家河洧或邑山濟君即上黨太守之弟郡請署主簿督郵五官掾功曹守金鄉長建寧二年四月癸酉卒年八十一碑文首尾皆字故得詳其世次其上黨太守不見其名按漢書執法左右刺姦五威司命皆王莽官名侯霸列傳云霸莽時為隨令遷執法刺姦而未嘗為五威司命後事光武代伏湛為大司徒封關內侯既薨光武下詔追封則鄉侯而此碑言封於陵侯未知孰是據碑言刺姦司命為光武時

官蓋碑文之繆矣治平元年四月二十九日書

後漢慎令劉君墓碑

建寧四年

右漢慎令劉君墓碑在今南京下邑其名已磨滅其守伯麟少罹艱苦身服田畝舉孝廉除郎中辟從事司徒掾遷慎令卒年六十有二其銘曰於惟君德忠孝正直至行通洞高明柔克鬼神福謙受茲介福知命不延引輿旋歸忽然輕舉志激拔葵人皆有亡貴終譽兮歿而不朽垂銘著兮余

家漢碑常患其銘多缺滅而斯銘偶完故錄之

右真蹟

後漢北軍中侯郭君碑

歲月見本文

右漢北軍中侯郭君碑其名字磨滅云元城君第四子也其先蓋周之胄緒枝葉雲布列於州郡自東郡衛國家於河內汲兄竹邑侯相次尚書侍郎次濟北相順弟臨沂長次徐州刺史次中山相次雒陽令君為五官掾功曹司隸中都官從事三辟將軍府舉廉比陽長復辟司徒拜北軍中侯

年六十有六建寧四年九月丙子卒其於
兄竹邑侯相上一字缺滅不字疑是惠字
其下又云順弟莫曉其義豈漢人謂兄弟
為此語邪故闕其疑以侯知者治平元年
六月廿九日書 右真蹟

後漢司隸從事郭君碑

歲月見本文

右漢司隸從事郭君碑云君諱寃汲人也
元城君之孫雒陽令之適歷主簿督郵五
官掾功曹守令長辟司隸從事部郡都官
春秋二十八而卒中平元年歲在甲子三

月而葬據北軍中侯碑為元城君子而弟
為雒陽令考其世次皆同前世碑碣但書
子孫而不及兄弟惟郭氏碑載其兄弟甚
詳蓋古人譜牒既定而於碑碣又詳如此
可見其以世家為重不若今人之苟簡也
治平元年六月廿九日書 右真蹟

後漢魯峻碑

歲月見本文

集本

右漢魯峻碑云君諱峻字仲嚴山陽昌邑
人監營謁者之孫修武令之子治魯詩顏
氏春秋舉孝廉除郎中謁者河內太守丞

辟司徒司空府舉高第御史東郡頓丘令
還九江太守拜議郎太尉長史御史中丞
司隸校尉遭母憂自乞拜議郎服竟還拜
屯騎校尉以病遜位熹平元年卒門生于
商等二百三十人謚曰忠惠父其餘文字
粗劣故得還拜次序頗詳以見漢官之制
如此惟云遭母憂自乞拜議郎又其最後
為屯騎校尉而碑首題云漢故司隸校尉
忠惠父魯君碑二者莫曉其義治平元年四月二十三日
後漢立儒婁先生碑歲月見本文

右漢立儒婁先生碑云先生諱壽字元考
南陽隆人也祖太常博士父安貧守賤不
可營集本作榮以祿先生童孩多奇歧嶷有志
好學不戢不飭小行善與人交久而能敬
榮沮溺之偶耕甘山林之杳藹又曰有朋
自遠冕紳莘莘講習不倦年七十有八熹
平三年二月甲子不祿今光化軍乾德縣
圖經載此碑景祐中余自夷陵貶所再遷
乾德令按圖求碑而壽有墓在穀城界中
余率縣學生親拜其墓見此碑在墓側遂

據圖經遷碑還縣立於勅書樓下至今在
焉治平元年六月十三日書 右真蹟

後漢郭先生碑

真蹟

歲月未詳

右漢郭先生碑云諱輔字輔成其先出於
王季之中子為文王卿士食菜於號後世
謂之郭歷戰國秦漢子孫流分來居荆土
先生其少也孝友而悅學其長也寬舒如
好施是以宗親歸懷鄉鄙高尚年五十有
二遇疾而終其以而為如及用鄉鄙字與
婁壽碑同蓋漢人如此爾治平元年六月

二十日書

又

集本

右不見書撰人名氏碑在襄州穀城縣界
中其辭先生諱輔字輔成其先出自有周
王季之中子為文王卿士食采於號至于
武王錫而封之後世謂之郭春秋之時為
晉所并歷戰國秦漢子孫流分來居荆土
氏國立姓焉傳云聖賢之後必有達者先
生應焉孝友而說學其長也寬舒如好施
是以宗親歸懷鄉鄙高尚年五十有二遇

疾而終其文字古質蓋漢之碑也其用鄉鄙字與漢婁壽碑同其曰寬舒如好施蓋以如字為而也春秋書星隕如雨釋者曰如而也然施於文章以如為而始見于此也

後漢桂陽太守周府君紀功銘

熹平中

此君檢漢書無之今碑石缺不見其名惜乎遂不見於世也南人見紀其所修瀧水即韓文公所謂昌樂瀧者也至今以為利祠宇甚嚴云 右集本

後漢桂陽周府君碑 熹平中

右漢桂陽周府君碑按韶州圖經云後漢桂陽太守周府君碑按廟在樂昌縣西一百一十八里武漢溪上武漢驚湍激石流數百里昔馬援南征其門人轅寄生善吹笛援為作歌和之名曰武漢深其辭曰滔滔武漢一何深鳥飛不渡獸不能臨嗟哉武漢何毒淫周使君開此溪下合真水桂陽人便之為立廟刻石又云碑在廟中郭蒼文今碑文磨滅云府君字君光而名已訛

缺不可辨圖經但云周使君亦不著其名
後漢書又無傳遂不知為何人也按武水
源出郴州臨武縣鷓鴣石南流三百里入
桂陽而桂陽真水一有黎溪二字盧溪曹溪諸水
皆與武水合流其俗謂水湍峻為瀧韓退
之詩云南下樂昌瀧即此水也碑首題云
神漢者如唐人云聖唐爾蓋當時已為此
語而史傳他書無之獨見於此碑也右集本

後漢桂陽周府君碑後本熹平中

右漢桂陽周府君碑余初得前本恨其名

遂磨滅後有國子監直講劉仲章者因出
其碑而為余言前為樂昌令因道府君事
云名憬問其何以見之云碑刻雖闕尚可
識也乃以此碑并陰遺余蓋前本特模者
不工爾又余初以韓集云昌樂瀧疑其悞
乃改從樂昌仲章曰不然縣名樂昌而瀧
名昌樂其舊俗所傳如是韓集不誤也乃
知古人傳疑而慎於更改者以此右集本

後漢費府君碑歲月未詳 集本

右漢梁相費府君碑其名字若云諱況字

仲慮而況疑為汎慮疑為寬其官闕可見者為蕭令九年沛有蝗獨不入其界國以狀聞朝廷嘉諸拜梁相春秋八十卒其銘頗簡而文字粗劣云𣦵𣦵顯祖厥德懿鑠播勛於前丕碩基業遺愛於民福流於後昨自此磨滅不可識者八字其卒章云功烈休矣來昆勦力而穆字為𣦵古文多然

後漢郎中王君碑光和元年

右漢郎中王君碑云文字磨滅不復成文而僅有存者其名字官闕卒葬年月皆莫

可考惟其碑首題云漢故郎中王君之銘知君為漢人姓王氏而官為郎中爾蓋夫有形之物必有時而弊是以君子之道無弊而其垂世者與天地而無窮顏回高卧於陋巷而名與舜禹同榮是豈有託於物而後傳邪豈有為於事而後著耶故曰久而無弊者道隱而無顯者誠此君子之所貴也若漢王君者託有形之物欲垂無窮之名及其弊也金石何異乎瓦鑠治平元年四月晦日書

後漢太尉陳球碑 歲月見本文

右漢太尉陳球碑云君諱球字伯真廣漢太守之元子也又云除郎中尚書符節郎慎陵園令換中東城門候遷繁陽令拜侍御史其後又云拜將作大匠其餘磨滅僅存按後漢書球傳云父疊廣漢太守陽嘉中球舉孝廉稍遷繁陽令太尉楊秉表球零陵太守後累拜司空光和元年遷太尉坐日食免復拜光祿大夫與司徒劉郃等謀誅宦官曹節等不果下獄死球在零陵

破賊胡蘭朱蓋有功威著南邦今碑碣破蘭蓋事班班可讀與傳皆合惟不著誅宦官事至其卒時文字磨滅不可識惟云六十有二亦與傳合予所集錄古文與史傳多異惟此碑所載與列傳同也治平元年四月晦日書 右真蹟

後漢敬仲碑 歲月見本文

右漢敬仲碑者其姓名字皆不可見惟其初有敬仲二字尚有可識故以寓其名爾蓋疑其人姓田氏也大抵文字磨滅比其

他漢碑尤甚字可識者頗多第不成文爾
惟云州郡課最臨登大郡又云居喪致哀
又云司隸從事治書侍御史又云光和四
年閏月庚申此數句粗可讀爾其餘字畫
塵劣者以漢隸今為難得錄之爾治平元
年閏五月二十九日書此與前跋
大際同

後漢無名碑

此與前跋
大際同

右漢無名碑文字磨滅其姓氏名字皆不
可見其僅可見者云州郡課最臨登大郡
又云居喪致哀曾參閱損又曰辟司隸從

卷十錄三

六

事拜治書侍御史又曰奮乾剛之嚴威揚
哮虎之武節又曰年六十有三光和四年
閏月庚申遭疾而卒其餘字畫尚少者多
但不能成文爾夫好古之士所藏之物未
必皆一作能造世之用惟其埋沒零落之餘
尤以為可惜此好古之僻也治平元年六
月五日書右真蹟

後漢橐長蔡頌君碑

光和四年
真蹟

右漢橐長蔡君頌碑在鎮府故天章閣待
制楊政嘗為余言漢時隸書在者此為最

佳畋自言平生惟學此字余不甚識隸書
因畋言遽遣人之常山求得之遂入于錄

後漢唐君碑

歲月見本文

右漢唐君碑其名已磨滅其字正南云

集本

作云字

正南 穎州郟人也其先出自慶都感赤

龍生堯王有天下苗胄枝分相土視居因
氏唐焉君父孝廉郎中早卒君繼厥緒耽
道好古耽書味詩守舞陽丞潁陽令察能
治劇遷豫章其後遂復磨滅雖文字班班
可見而不能得其次序其後又云換君昌

陽令吏民慕戀牽君車輪不得行君臣流
涕道路琅玕是故從事郡掾刊石樹頌歌
君之美據此蓋縣令去思碑爾其後又云
光和六年二月壬午朔二十五日丙午則
知唐君為後漢時人矣治平元年閏五月
二十八日書

右真蹟

後漢朱胤碑

歲月見本文

右漢朱胤碑云字伯靈察孝廉除郎中尚
書侍郎以將事去官于時幽州州下滅一
字夷侵寇以君為御史中丞討伐其後磨

滅又云鮮卑侵犯障塞復舉君拜幽州刺史年六十四光和六年卒咆之事迹不見史傳其僅見於此碑者如此碑在今亳州界中云將事去官莫曉其語治平元年六月十四日書 右真蹟

後余守亳州徙碑置州學中

後漢小黃門譙君碑

歲月見本文

右漢小黃門譙君碑云君諱敏字漢達年五十七中平二年卒其文不甚磨滅而官闕無所稱述惟云肅將王命守靜韜光以

遠悔咎而已後漢宦者用事靈帝時尤盛敏卒之歲張讓等十二人封侯於斯之時能守靜遠悔是亦可佳然敏一以小黃門而立碑稱頌於此可見宦官之盛也治平元年四月三日書 右真蹟

後漢熊君碑

歲月見本文

右漢熊君碑云君諱喬字舉舉上滅一字其官闕不可詳考其僅可知者劉表時為綏民校尉後遷騎都尉建安二十一年卒享年七十有一其云治歐羊尚書其字非

訛闕而以陽為羊蓋古文字少故湏假借
至漢字已備而獨假用何哉後云太歲在
甲申上滅一字以曆推之當是丙申又云
碑師舂陵福造福上滅一字當是其姓其
書顯字皆為顯按許慎說文顯從顯聲而
轉為累其失遠矣莫曉其義也

右集本

後漢俞鄉侯季子碑

歲月未詳

右漢俞鄉侯季子碑云君諱熊字孟下闕
一字廣陵海西人也厥祖天皇大帝垂精
接感篤生聖明子孫享之分源而流枝葉

集古錄三

廿二

扶疎出王別胤受爵列土封侯載德君光
武皇帝之玄廣陵之孫俞鄉侯之季子也
由是而後文字缺滅其稍稍可讀者時得
其一二云六籍五典如源如泉既練州郡
卷舒委隨化流南城政猶北辰三祀有成
來臻我邦仁恩如冬日威猛烈夏日吏民
愛若慈父畏如神明其後又云採撫謠言
作詩三章據碑文無卒葬年月而其辭若
此似是德政碑按後漢書光武皇帝子曰
廣陵思王荆荆子元壽等四人皆封鄉侯

史改而不載其名俞鄉侯者不知為誰也
思王荆之第幾子也天皇大帝之語自漢
以來有矣 右集本

後漢武榮碑 歲月未詳

右漢武榮碑云君諱榮字舍 集本作舍和治魯

詩經常君章句孝經論語漢書史記左氏

國語為州書佐郡曹史 集本作文學主簿督郵

五官掾功曹年三十六南蔡府君察舉孝

廉執金吾丞孝桓大憂屯守玄武關加遇

害氣遭疾殞靈其餘文字殘缺不見其卒

葬年月又不著氏族所出惟其碑首題云
漢故執金吾丞武君之碑云治平元年五
月六日書 右真蹟

後漢秦君碑首 歲月見本文

漢碑今存者少此篆亦與今文小異勢

力勁健可愛 蔡君謨題

右漢熹平中碑在南陽界中字已摩 或作磨非

滅不可識獨其碑首字大僅存其筆畫頗

奇偉蔡君謨甚愛之此君謨過南都所題

乃皇祐三年也今一紀矣嘉祐八年九月

十七日書

右真蹟

又

右集本與真蹟頗不同故兩存

右漢秦君碑首題云漢故南陽太守秦君之碑秦君不知為何人碑在南陽界中字已磨滅不可識獨其碑首字大僅存其筆畫頗奇偉蔡君謨甚愛之

後漢元節碑

歲月未詳

右漢元節碑文字磨滅不見其氏族其可見者纔數十字爾云君集本無此字諱立字元節其先出自伊尹其餘不復成文其銘云

集古錄三

廿三

於穆從事疑其姓伊而為從事也碑無年月而知為漢人者以其隸體與他漢碑同爾治平元年五月三日書右真蹟

後漢殘碑

歲月未詳

真蹟

右漢殘碑不知為何人所存者纔三十二字不復成文惟云高字幼知其名高又云漢中一有字興復知為後漢時人而隸字在者甚劣體質溥勁非漢人莫能為也故錄之

後漢天祿辟邪字

歲月未詳

右漢天祿辟邪四字在宗資墓前石獸膊

上按後漢書宗資南陽安衆人也今墓在
鄧州南陽界中墓前有二石獸刻其膊上
一曰天祿一曰辟邪余自天聖中舉進士
往來穰集本作襄鄧間見之道側迄今三十
餘年矣其後集錄古文思得此字屢求於
人不能致尚書職方員外郎謝景初家於
鄧為余模得之然字畫集本或作訛缺不若余
見時字也按黨錮傳云資祖均自有傳今
後漢書有宋均傳云南陽安衆人而無宗
均傳疑黨錮傳轉集本無此字寫宋為宗爾蜀

志有宗預南陽安衆人豈安衆當漢時有
宗宋二族而字與音皆相近遂至訛繆邪
史之失傳如此者多矣嘉祐八年臘日書

費鳳碑九元第一九百起坐古碑作坐起望遠按

武班碑五元第一五百書云此字無又歲一作

曹騰碑七元第一一百

司隸楊君碑至元第六六百九十九一右漢故一字有

攸同股一作躬益城域一作

樊常侍碑四元第一二百右漢至序也一本無四字

集錄錄一字無古碑二字無此嘉祐八年十月十

四日書十一字有此

鄭固碑四元第一五百又曰云一作治平元年四

月十二日書十一字有此

集古錄三
十五

田君碑五元第一四百今在在一作為姓其一作

孫叔敖碑八元第一二百

王元賞碑四元第一六百茂才材一作治平元年

五月二日書九字有此

祝睦碑一元第一三百皆在在一作今

祝睦後碑二元第一三百

衡方碑二元第一九百

張表碑一元第一四百漢故去真蹟張君此下

張壽碑七元第一六百

治平元年端午日書有一

此九字

侯君碑三元第六百碑文文字無繆矣一字無

劉君墓碑五元第七百

北軍中侯郭君碑三元第四百

司隸從事郭君碑四元第四百

魯峻碑六元第五百司空二字無故得此下字

婁先生碑五元第一百偶耦一作藹一作

郭先生碑十元第五碑云此下有輔成碑古

成作甫歷作一婁壽二字上二十日十一作二

周府君紀功銘八元第一百

集古錄三

廿六

周府君碑八元第一百碑按二字無此桂陽作一

桂水或作湍峻一作

周府君碑後本八元附一百因出其碑而無一

此五字

費府君碑一元第七百文字一字無此於後無一

於磨滅不可識者八字減一作可識已其卒

一字無多然如此作也多熙寧二年十一月十六

日山齋書十一有此

王君碑百元第六

陳球碑百元第六

敬仲碑 一元第九百

無名碑 八元第六百 又云 一作

蔡君頌碑 八元第五百 為最 一作

唐君碑 八元第八百

朱甌碑 三元第二百

譙君碑 一元第五百

熊君碑 百元第九百 其云 一作其 熙寧二年十

月晦日山齋書 十一有字

季子碑 三元第九百 字益 一本此下 夏日 一作

夏 炎 史略 一字無此 誰也 一字無此 天皇 至 有矣

集古錄三

卷七

十一本無 治平元年六月五日書 九有字

武榮碑 三元第五百 南 古碑作

秦君碑首 十元第八

元節碑 五元第六百

後漢殘碑 三元第三百

天祿辟邪字 十元第七 集錄 錄一字無

